

მსოფლიო პატრიარქის სამძიმარი სრულიად საქართველოს კათოლიკოს-პატრიარქს



ყოვლადუნმიდესი მსოფლიო პატრიარქის ბართლომეოსის სამძიმრის წერილი უნმიდეს და უნეტარეს სრულიად საქართველოს კათოლიკოს-პატრიარქს ილია მეორეს, საქართველოს სამოციქულო ეკლესიის წმიდა სინოდის წევრის, ყოვლადუსამღვდელოესი ბორჯომისა და ბაკურიანის ეპისკოპოსის ლაზარეს გარდაცვალების გამო

უნმიდესო და უნეტარესო მთავარეპისკოპოსო მცხეთა-თბილისისა, კათოლიკოს-პატრიარქო სრულიად საქართველოსი და მიტროპოლიტო ბიჭვინთისა და ცხუმ-აფხაზეთისა, ქრისტესმიერ ფრიად საყვარელო და სანატრელო ძმაო და ჩვენთა, მდაბალთა ამათთა თანამწირველო, თქვენს ღრმად პატივცემულ უნეტარესობას, უფალ ილიას, უფლისმიერ ძმური სიყვარულით მოვუდრეკთ ქედს და მოვახსენებთ:

დიდი წუხილით გავიგეთ საქართველოს წმიდა ეკლესიის იერარქის, ნეტარხსენებული ძმის, ბორჯომისა და ბაკურიანის ეპისკოპოსის გარდაცვალების შესახებ და გამოვხატავთ წუხილს მართლმადიდებელი დიასპორის სამწყსოს სახელით, რომელიც მსოფლიო საპატრიარქო ტახტის ომოფორის მზრუნველობის ქვეშ არიან.

ნეტარხსენებული ეპისკოპოს ლაზარეს გარდაცვალებასთან დაკავშირებით, რომელიც გავრცელებული პანდემიის დროს მძიმე კოვიდინფექციას ემსხვერპლა, გამოვთქვამთ ჩვენს გულისტკივილს და გისამძიმრებთ ჩვენი ეკლესიის სახელით. ვლოცულობთ, რომ ცოცხალთა და მკვდართა მეუფე ქრისტემ განუსვენოს მის სულს და იყოს ხსენება მისი უკუნისამდე.

პარალელურად ვლოცულობთ სიყვარულის ღმერთის წინაშე, რომ გააძლიეროს ექიმები, სამედიცინო პერსონალი და ყველა, რომლებიც იბრძვიან და ამ მძიმე ვირუს კოვიდ-19-ის წინააღმდეგ. ნუგეში ამ მდგომარეობაში არის ის, რომ ნათლად დავინახეთ ამ მძიმე მდგომარეობაში სიყვარულისა და სოლიდარობის საჭიროება და აუცილებლობა, რომელიც საღმრთო მადლის გამოხატველია.

გისურვებთ, თქვენო უწმიდესობავ ჯანის სიმრთელეს მრავალსა წელსა და მხნეობას, რომ დიდხანს იყოს მსახურად საქართველოს წმიდა ეკლესიის საჭეთმპყრობლად, სიყვარულით უფალში და პატივისცემით!

25 ნოემბერი, 2020 წ.

თქვენი ღირსებისა და უნეტარესობის ქრისტესმიერ საყვარელი ძმა,

+ბართლომეოს კონსტანტინეპოლელი